



UPRAVA POLICIJE

Broj: 05-04/06-11- 168 /23/RS
Datum: 15.02.2023. godine

Na osnovu člana 70. Zakona o organizaciji uprave u Federaciji Bosne i Hercegovine („Službene novine F BiH“, br. 35/05), člana 26. i člana 27. Zakona o unutrašnjim poslovima Unsko-sanskog kantona („Službeni glasnik USK - a“, broj: 13/16 i 16/17), a u vezi sa članom 10c. stav (5), te članom 18. stav (2) Zakona o javnim nabavkama BiH („Sl. glasnik BiH“, broj 39/14 i 59/22), načelnik Sektora kriminalističke policije Uprave policije MUP USK-a **d o n o s i** :

O D L U K U
o izuzeću od primjene Zakona o javnim nabavkama

Član 1.

Od primjene Zakona o javnim nabavkama BiH izuzimaju se nabavke usluga objavljivanja obavještenja vezanih za postupke javnih nabavki kao i usluga objave nevažećih isprava (saobraćajne dozvole, lične karte i sl.) u Službenom glasniku BiH u toku 2023. godine, procijenjena vrijednost iznosi 6.000,00 KM bez PDV-a.

Član 2.

Sredstva za nabavku usluga iz člana 1. ove Odluke osiguravaju se iz Budžeta Uprave policije MUP USK-a za 2023. godinu, a do usvajanja Bužeta na osnovu Odluke o privremenom finansiranju Unsko-sanskog kantona za period od 01.01.2023. godine do 31.03.2023. godine, Odluka o privremenom finansiranju Unsko-sanskog kantona broj: 01/1-02-45-2/23 od 25.01.2023. godine.

Član 3.

Ova odluka stupa na snagu danom donošenja i bit će objavljena na službenoj internet stranici Vlade Unsko-sanskog kantona.

O b r a z l o ž e n j e

Odredbama Zakona o službenom glasilu Bosne i Hercegovine („Službeni glasnik BiH“, broj 1/97, 9/04, 103/09 i 100/13) i Zakona o Službenim novinama Federacije BiH („Službene novine FBiH“, broj 1/94), propisano je da se zakoni, podzakonski akti, statuti, rješenja i drugi akti koji su od javnog interesa ili su od interesa za poduzeća, ustanove, druge organizacije i građane objavljuju u „Službenom glasniku BiH“ i „Službenim novinama FBiH“, zavisno od nivoa vlasti na kojem je akt donesen i teritorije na koju se odnosi. Istim propisima regulisano je i da se u glasnicima/novinama objavljuju i oni akti organa i institucija za koje je zakonima utvrđena obaveza objavljivanja istih u službenim glasnicima. Takođe, zakonski je tačno utvrđeno šta se u kojem službenom glasniku i novinama objavljuje i JP NIO „Službeni list BiH“ Sarajevo ima zakonski monopol, štampanja i distribucije glasila. Za predmet javne nabavke naveden u članu 1. ove odluke, tržište za vršenje navedenih usluga nije otvoreno za konkurenciju i navedeni predmet javne nabavke može se nabaviti samo od dobavljača JP NIO „Službeni list BiH“ Sarajevo – objavljivanje obavještenja u Službenom glasniku, a koji je izdavač „Službenog glasnika BiH“, a u skladu sa Upustvom o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, br. 80/22). Saradnja između ovih organa se ostvaruje s ciljem osiguravanja javne usluge, kojom se ostvaruju zajednički ciljevi, te transparentnosti kao općeg principa Zakona o javnim nabavkama. Cijene predmetnih usluga su propisane i objavljene na portalu

Službenog lista i kao takve su obavezujuće. U skladu sa napred navedenim ispunjeni su uslovi za izuzeće od primjene Zakona o javnim nabavkama BiH („Službeni glasnik BiH“, broj 39/14 i 59/22) u skladu sa članom 10c. stav (5).

Takođe, odredbom člana 36. Zakona o javnim nabavkama, između ostalog, propisano je da sva obavještenja o nabavci, o dodjeli ugovora, o poništenju postupka javne nabavke, dobrovoljno ex ante obavještenje o transparentnosti i prethodno informaciono obavještenje, kao i sažetak obavještenja o nabavci na engleskom jeziku, ugovorni organ objavljuje na portalu javnih nabavki. Sažetak svih obavještenja objavljuje se u "Službenom glasniku BiH". JP NIO Službeni list BiH obavezan je da najmanje 15% prihoda koje ostvari od naknada za objavu obavještenja u toku godine uloži u istraživanje i razvoj, te unapređenje sistema javnih nabavki.

Dostavljeno:

- ① Sektor za materijalno-finansijske poslove i IKT - za objavu
2. a/a



NAČELNIK SEKTORA
KRIMINALISTIČKE POLICIJE
samostalni inspektor

Jusuf Mešić